



Terenga 3: Hōtaka 24 - Whakamārama tatauranga

He Mihi

Kei ngā mātāpuputu, kei ngā mātātahi huri noa i ngā moutere o tō tātou nei whenua, whakaopeti mai ki runga ki te marae o Ako. Ki konei tātou whakamahiti korou ai ki te whakahoki mai i te reo ki te mata o te arero.

Hei Mahi Whakarongo

Ko te tokomaha o ngā kaikōrero o te reo te kaupapa o te kiriata poto ka mātākihia e tātou ā kō ake nei. Kia whakawhiti atu tātou ki Te Tēpu, ki a Hone Kaa rāua ko Tā Tāmāti Reedy. Anei ngā pātai hei whakautu mā koutou:

- 1) Hei tā Hone, e hia te nui o te tautoko ā-pūtea mai a te Kāwanatanga i te reo Māori?
- 2) Tokowhia ngā kaikōrero reo Māori i te wā o te uiui nei?
- 3) He pēhea te titiro a te ao Māori ki ngā tatauranga nei?

He Whakamārama

Anei ētehi kupu e hāngai ana ki te whakamārama tatauranga:

- hapori = community
- taupori = population
- ōrau = percentage (ko te whakarāpopototanga o te kōrero 'o roto i te kotahi rau')
- tapeke (moni, tangata)
- tōpū (tangata) = total
- huinga (ngā mea katoa)

Kei whai tātou i te whakatakatoranga reo Pākehā. Anei ētehi tauira:

1. Tokowhā o mātou kei roto i tō mātou whānau. ✘
Tokowhā mātou kei roto i tō mātou whānau. ✔
2. Kua piki te tokomaha o ngā kaikōrero reo Māori mā te rua ōrau. ✘
E rua ōrau te pikinga o te tokomaha o ngā kaikōrero reo Māori. ✔

Hei Mahi

Whakamāoritia ngā rerenga nei:

1. Between 2011 and 2026, the Māori population is predicted to grow by 21 percent.
2. Students who are taught in the Māori language for 51-100 per cent of class time are more likely to become fluent in Te Reo Māori.
3. 24 percent, or 131,600 people reported in the 2006 Census they could hold a conversation in Māori about everyday things.

He Whakautu:

1. I waenga i ngā tau 2011 me te 2026, e whakapaetia ana, ka 21 ōrau te pikinga o te taupori Māori.
2. Ka matatau ake ki te reo Māori ngā ākonga kei roto i ngā karaehe he 51 ki te 100 ōrau te wā whakaako ki te reo Māori.
3. E 24 ōrau, arā, 131,600 ngā tāngata i kī ake i roto i te Tatauranga Ā-Motu o te tau 2006, e āhei ana te kōrerorero i ngā kaupapa o te wā ki te reo Māori.